

INUIT ATAQATIGIIT INATSIARTUNI



UPA2023/168
25. April 2023
Kristian Jeremiassen

**Qanoq iliornikkut eqqumiitsuliortut amerlanerit
namminersortuunerulersissinnaavagut pisortaniillu tapiissutinik
qinnuteqartuarterneq isumalluutaavallaarunnaartissinnaanera
pillugu apeqquaqat aallaavigalugu oqallisissiasatut siunnersuut.**

(Inatsisartuni ilaasortaq Aqqalu C. Jeremiassen, Atassut)

Oqaaseqaat:

Eqqumiitsuliorneq, kulturi inuiaqatigiinni pingaaruteqarluinnartut Inuit Ataqatigiit isumaqarpugut, tamannalu aamma pingartillungu tunngavingalungulu tapersersuineq pingartipparput. Kulturikkut ataqatigiilersitsisarmat aporfinnillu paaasarmat inuunermillu oqinnerusumik aqquasaangaqartitsilertarmat.

Kulturitsinnik suliaqartut nikallujuillutik suliarfik pimoorullugu ukiorpassuit ingerlasimapput tamannalu takussutissaavoq aningaasat pillugit suliaqarsimangittut, namminerli qamuuna pinngorartitsinertik aallaavigalugu ingerlatsisimapput qujanartumillu sunniutaat ersaripput.

Eqqumiitsuliortuuneq tassaavoq namminiussuseqarneq nammineq ineriartortitsineq inuiaqatingiinnillu anersaakkut timikkut tarnikkullu immersuineq, pisortanit aqutaasariaqanngittoq kiffaanngissuseqarlunilu suliaqarnerat nukittorsingassat inuiaqatingiit kulturikkut ineriartortittuarumallungit.

Inuiaqatingiinnillu eqqumiittorliortunullu pittaanerpaassooq tapiissutaannarnik isumalluuteqartinnangit suliaasa ingerlatsinnissaat, tassaavormi inuiaqatingiinni qamuuna nukinnik tatinginermik nuannaarnermillu tunisisartut.

Akilerartarnikkut aqqissuusseqqinneq ingerlavoq suliassatullu maanna suliarivarput inatsisartuni, Inuit Ataqatigiit isumaqarpunguttaaq akilerartarnikkut aqqissuusseqqinnermi oqilisaataasariaqartoq eqqumiittuliortunut akilerartarnikkut aqqissuussinnermi iluaqutaanerunissaanut periarfissat ammatillugit, assersuutingalungulu nipilersortartut suliffeqartarput suliffimmilu saniatigut isertitarisarpaat, innuttaasunut qanorsuaq nuannatitsitsillutik ataatsimoortitsillutik kulturikkullu

INUIT ATAQATIGIIT INATSIARTUNI



ineriartortitsillutik. Periarfissat qangamut sanilliullugit pittaaningorsimapput tamakkualu uniinnarluta sikiimiataanginnarluta tulluusimaarutingissangilangut, sulimi politikkkut sinaakktissat suliassarivangut.

Assersuutingalungu eqqumiittorliortunut iluaqutaassaqaq aalisartutut piniartutullu aningaasartuutitik akileraarutitigut ilanngaatit atorsinnaangunikit, eqqumiitsuliortut aningaasaqarnikkut iluaqutaassalluni, tassami atortut atortussallu sulinerminni atunga at ilanngaatit atuutsinneqalerpata annertuumik iluaqutaassaqaq, Inuit Ataqatigiit periarfissat ilaattut tamanna oqaloqatinginnissutingerusupparput.

Inuiaqatingiinni inukittunnguami inuungaluarluta apeqqutaangilaq innuttaqqortussuseq innuttakissuserlu, nunarsuarmi periarfissat pittannngoriartuinnarput atorluaanitsingullu tamanna ineriartortissinnaavarput, assersuutingalungu nunatta eqqumiitsulianik saqqummersitsia siulersuisut periarfissanik ujartuillutik periarfissanik ammaapput illorsuup pilersikkiartuaarnissaanut, suli at equmiitsuliornikkut katersassat kinguaassattalu qaqungumorsuarmut paarisariaqangaat.

Inuiattut kinaassutsitta tunngavittalu annerpaartaasa ilangingaat eqqumiitsuliorneq ineriartortoq qamannga qamanngavik suli at sularineqartut pingingsingit inuttut inuiaqatingiittullu ineriartoqqissaangut Inuit Ataqatigiit isumaqarpugut eqqumiittuliortoq tassaasasoq nammineertoq aqunneqarani ineriartortalik.

Naggasiutingalungulu oqaatingilarput ukiut siuliini anguneqarsimasut tassaannaangillat massakkumut killitsinnut uniinnassassungut eqqumiittuliortut aningaasaqarnikkut tapiissutinik tunniussuuartarneq aningaasartuutaangilaq qamuunaliuna inuiaassutitsinnik kinaassutitsinnillu aallaavilimmik suli aqarneq taamaamat tapiissutinik pissarsinissamut isumalluuteqarneq annikillisikkutsingu aningaasaliinerullutalu inuiattut siuariaateqassaangut.

Qujanaq.